

Impuesto di solidaridad acepta den parlamento

Sud Africa a dicidi di desmantela Apartheid

WASHINGTON: Gobierno di Sud Africa a dicidi di desmantela Apartheid, segun embahador di Sud Africa na Washington, Herbert Beukes a declara ayera anochi den un entrevista na television americano NBC.

Un di e puntonan principal cu parlamento Sud Africano ta enfrentando ta un proposicion pa duna hendenan color scur ciudadania completo, el a laga sa.

Gobierno te awor a obliga su mes na restaura ciudadania y esaki ta concudi na aboli e diferencianan y e irregularidadnan y desigualdad politico el a laga sa.

Segun Beukes, gobierno lo propone na parlamento pa anula leyman cu ta obliga hendenan di color scur di cana cu pasnan unda cu nan bay.

El a indica cu e proceso di reformation politico lo dura largo y no kier a divulga si e leyman ta encera tambe aboli e division di lugarnan di bida di e diferente rasanan den e pais.

Armand Engelbrecht

Impuesto di solidaridad ta hopi drastico

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DiARIO

DI ARUBA

Bo Matutino
Netamente Arubiano

DIALUNA 16 SEPTEMBER 1985
AÑA 4, No. 1423



Ariba e combinacion di foto aki por mira Sr. Betico Croes saludando algun di e damanan cu ta forma parti di partido MEP durante e Koffiemorgen cu a ser teni ayera na Surfside. Ariba e otro foto por haya un bista di e desayuno cu tabata bon bi-shita pa damanan di MEP y durante cual tabata tin tambe presentacion cultural, manera por lesa den e edicion di awe.



Pulso ariba eleccion '85

FTA ta anticipa
huelganan fin di aña
den sector hotelero

Discurso di profesor Anthony P. Maingot durante dia di prensa (Fin)

Awe ta continua despues di e splicacion cu hendenan den nos sociedad cu ta papia di hende, no ta leninista. Nan no ta afirma of aserta cu aritmetica y contamento no ta importante. Nan ta kere cu e ta importante.

"E pregunta ta, ki sorto di contamento? Di unda e nocion di e hendenan aki ta bini? E nocion aki ta bini di e mes area di estado soberani. E idea cu hende mester di un gobierno cu ta goberna cu consentimiento di pueblo.

Pero nos ta move den direccion di sufragio universal. Y edad di voto ta reduciendo. Na Nicaragua awe bo por vota cu 16 aña. Poco poco idea di hende ta desarrollo. Kico ta pasa den sociedadnan di archipelago, densociedadnan plural multi etnico, kico ta pasa den sociedadnan den cual di multiple cantidad di isla cu ta forma un nacion? Y cu nan hende nan no por expresa nan sentimentonan di nan isla? Kendenan pues ta e pueblo. Esaki ta un otro parametro cu nos mester discuti. PAsobra como nos ta areanan colonial, locual ta pasa ta, cu si bo no por dicidi kico bo pueblo ta, y bo ta acudi na e "amonan colonial di exterior, y puntra nan pa bin corta e bakijouw." E ora ey bo ta puntra Hulanda pa dicidi con e cos aki mester bay. Bo ta haya e ora ey e debate cu tin na Puerto Rico y Estados Unidos, cu ta bisa: "Nos no por dicidi e topico of asunto aki. Laga congreso americano dicidi e asunto aki. E americanonan a crea e problema aki laga e congreso americanonan dicidi kico e status di Puerto Rico mester bira. Bo por lesa di esaki den New York Times, Washington Post, den debatenan di Puerto Rico. Mester resolve e asunto di Status di Puerto Rico. Nan ta dividi, y nan no por dicidi kico nan hendenan ta--puertorriqueñonan ta ciudadanonan americano, mescos cu boso ta ciudadanonan hulan. Boso por bay Hulanda bin back. E situacion aki no ta facil. Ta un situacion mashe complica.

Pero si boso bay tras di e solucion, laga e congreso americano dicidi ariba status di Puerto Rico, bo ta hayabo cu e mes situacion cu nos tabata tin na Trinidad, unda despues di 15 aña bo ta regresa y puntra e hendenan, y nan ta bisa "ese y no tabata un decision cu sabiduria pa nada."

Nos no tin e ventaha di un Nigeria, un Vietnam, un Sur America, of un Estados Unidos, cu a bringa un revolucion pa crea nan nacionalidad. Nos por bisa "Dios Gracia".

Di otro banda e ta presenta nos cu un situacion politico y sociologico complica extraordinariamente, especialmente si nos para ariba dos parametro--"independencia ta e unico ruta, algo yama pueblo, cual ta ser acepta cu un minoria--na lugar di e hendenan duna un opinion educa, cu aunque bo mester pospone independencia pa un tempo, bo ta pospone esaki te ora cu bo crea un proceso di educacion verdadero y estudio verdadero di e opinionnan--y compronde kico issuenan preferencial ta di e debate particular ey..

Esey ta e tarea cu nos tin den Caribe.

Locual nos mester haci den Caribe, mi ta kere, ta cu realiza cu nos no ta crea un pueblo pasobra tin un ley nacional cu ta bisa "e pueblo"; bo no ta crea un nacion pasobra tin un ley natural cu ta bisa "estado soberano".

Ta un cuestion ti trece esakinan hunto via un proceso, y mi sugestion ta, y mi sa cu e lo por ta arrogante "rol di prensa den esaki, ta precisamente esaki. Prensa mester defini e issuenan y percura pa e fpronan ser crea pa e discusionnan real di e issuenan verdadero cu nos mester trece pa forma e pueblo. Masha danki!

Damanan di MEP a tene desayuno exitoso ayera

ORANJESTAD(AAN)—Comision di damas di MEP a organiza un desayuno ayera mainta, dirigi pa maestra di ceremonia Sra. Norma Croes. Presidente Sra. Susana Kock Wever como presidente di comision di damas di MEP kende tabata e prome cu a dirigi palabra a muestra cu un comision no por traha su so y cu ta como damanan uni por logra.

"Nos sa cu nos ta pasando den un crisis economico, pero esey nos no ta laga e pone nos perde cabez. Como damas, amanan di cas, nos ta sigur cu nos por trece e isla aki ariba su pia. Nos mester cuminsa motiva nos mes y nos amanan di cas tur conhunto ta ashuta nan budget. Si nos mester sacrificu un tiki, laga nos hacie, esaki ta pa bienestar di nos yunan y nietonan. Motiva nos yunan na cas y cu nan yudanza tambe lo nos por logra", el a laga sa.

Segun Sra. Kock Wever, 1 di januari Aruba lo haya Status Aparte y despues lo pone nos Pais Aruba ariba su pia. "Cu confianza den nos mes, confianza den nos tata, esposo y yunan Aruba lo surmonta e crisis aki y nos lo tin bao direccion di nos partido MEP un futuro economico sigur den plena libertad, el a laga sa.

A dirigi palabra tambe Diputado Grace Bareño, tabata tin mode show presenta pa Sra. Filomena Croes Krozendijk, tambe tabata tin actuacion di The Young Voices bao direccion di Sra. Maybeline Arends Croes, y caha di orgel di Sra. Chichita Werleman. Sr. Betico Croes tambe a dirigi palabra treciendo dilanti cu ceramento di Lago a causa un sla duro pa economia, expresando cu e lamar rond di Aruba tin hopi significacion pa Aruba, y e mes lamar cu a forma nos playa pa nos turismo ta pilar di nos economia awor; e mes lamar cu a ser delimita ta marca e frontera entre Aruba y e paisnan venidero, ta e mes lamar a forma e plataforma continental den cual nos speranza ta dirigi ariba e posibel riquezanan bao di e plata forma aki.

Mirando e cantidad di damanan cu a presenta na e desayuno aki, na Surfside por bisa cu e tabata un koffiemorgen exitoso.

Mensaje di DIARIO pa Betico

Betico: Semper DIARIO a pensa cu bo ta un gran politico, y un excepcion den un generacion di politiconan bastante mediocre. Cu e conviccion ey como nos escudo, DIARIO a respalda bo gestionnan como politico, ya cu e postura di DIARIO como corant tabata y ta te ainda e mesun postura di bo y bo partido: e realizacion di Status Aparte mester bira un realidad pa Aruba. En efecto, el a bira tal realidad y ya no ta un topico di discusion politico mas. Dia 1 di January 1986 lo bira un fecha historico pa nos isla.

Cu un postura paralelo, manera esun di DIARIO y di MEP, ambos interesa den e mesun ideal y e mesun logro, nos mester a enfrenta enemigonan comun ariba diferente tereno. E hecho mes cu nos, como corant, a alcanza e cumbre di circulacion na Aruba, y cu pueblo ta considera nos su consentido, ta papia di un solo cos: nos esfuerzonan periodistico a ser acepta totalmente pa pueblo, kende a mira den nos un organo cu e capacidad necesario, y e interes necesario, pa contribui, den nos profesion, na e causa cu el a tene na pecho pa mas di 50 aña. Di cu nos por a contribui of no na e realizacion ey no ta bin al caso. Hecho ta cu nos ta satisfecho cu nos actuacion y pueblo tambe, pesey nos a sigui crece y ta bayendo pa otro record mas di circulacion na Aruba.

Pero, un gran politico no ta solamente un persona cu tin un bon voz, un bon oratoria, un bon hungado di ajedrez cu e sentimentonan di pueblo, lagando e pensa cu ta e guiando e politico mientras cu ta e politico kende tur e tempo ta guiando e pueblo pa sostene den poder. Un gran politico no ta solamente un individuo cu conoce e idiosincracia di e masa, cu conoce su debilidatnan y su fortalezanan, y sa con pa haci malabarismo cu promesanan cu di antemano e sa cu lo bay drumi den e reinonan di fabula. Un gran politico ta ademas un gran patriota, un ciudadano cu ta preocupa cu e observacion di e leynan di su pais, cu ta sostene e sistema juridico-judicial imperante (buscando coregi su erornan y no destrui su cimientanan), y cu por encima di cualquier otro cos ta stima y desea PAZ pa su pais, pasobra ta solamente den un clima di paz cu un pueblo, cualquier pueblo, por realiza su mes.

Si DIARIO a concedebos semper e titulo di e politico mas grandi cu Aruba a produci den e ultimo decadanan, awe e mesun corant aki ta constata cu algun di e aspectonan cu tin mas balor den un politico a keda durmiente den bo persona, quizas pasobra abo mes kier pa nan keda na soño. Betico, bo ta kere realmente cu agitacion por habri e camindanan di exito pa un politico den un medio manera esun di nos? Bo ta kere cu violencia, cu ta e consecuencia di agitacion, por trece algun bon pa ARUBA? Bo ta kere cu adoptando un actitud "machista" como politico bo ta elevando e causa di e pueblo di Aruba?

Despues di e exposicion di lo anterior, ata e mensaje di DIARIO pa Betico: bisa e fanaticonan di MEP pa nan stop di yama DIARIO amenazando cu nan ta bay kima e corant y e cas di esnan cu ta traha aki "si DIARIO skirbi contra MEP of contra Betico". E cuestion di kimamento ta competencia di Polis y nan lo sa actua den semejante casonan. Pero splica e fanaticonan cu si nan ta pensando cu ta den vlam y candela e triunfo di MEP na November lo ta asegura, cu nan ta delirando y cu nan ta hopi estúpido. Un cos si, ABO lo mester asumi tur e responsabilidad pa cualquier acto di vandalaje di cualquier fanático di bo partido, mescos cu e otro lidernan di partido lo mester asumi tal cos pa nan fanaticonan. Y bo sa pakico? Pasobra un mentalidad no ta nace di su mes, e ta ser creá. Pesey ta mas cu logico pa e autor intelectual asumi e responsabilidad y e consecuencia nan.

Impuesto di solidaridad acepta den parlamento

ORANJESTAD(AAN)—Ayerá madruga a termina e prome parti di e reunion pa trata impuesto di solidaridad y impuesto ariba gasoline. Henter dia

ayera un biaha mas e reunion tabata masha desordenada.

Si mester tira un bista ariba algun di e oradornan, por bisa cu di parti

di PPA, Sr. Benny Nisbet a trata di tene su mes na un nivel pero a decai na dado momento den politiquería. Sr. Buchi Henriquez te ainda no a de-

mostra nivel di parlamento den Eilandsraad apesar cu el a muestra un poco progreso.

Sr. Betico Croes den e reunion diasabra te cu ayera madruga a muestra con bon orador e ta, pero el biaha aki su defensasnan di gobierno di Aruba no a logra convence.

Henny Eman y Watty Vos a trata durante e reunion aki pa tene e nivel na haltu, y no bay den politiquería, y sorprendientemente Sr. Vos a mantene su mes mas tanto posibel pa nos exita, lo cual na otro ocasionnan por a nota claramente pero diasabra y ayera madruga a domina su mes den esey kedando ariba e punto cu ta ser discuti, evitando pa cay den politiquería.

Sr. Caspar Boekhoudt masha poco sa dirigi palabra den e reunionnan aki, pero ayera madruga por poco el a perde cabez den parlamento y tabata un otro Caspar Boekhoudt cu por a ser scucha y fuerte den su expresionnan.

Hasta Selwyn Spanner a muestra poco progreso den su manera di papia den parlamento, y e sorpresa tabata ora cu el a bay hunto cu oposicion contra continuacion di e

reunion ariba Dia di Señor.

Sr. Pedro Kelly durante e reunion tabata mas objetivo tambe, apesar cu ataquenan di otro banda di mesa a pone cu e mester a defende su mes contra criticanan cu tabata ser lanza. Di parti di publico den sala por a ripara si cu el a satisfice hopi di nan cu su presentacion den Eilandsraad.

E impuesto di solidaridad a pase cu 13 voto na favor y lo drenta na vigor entrante awe. Masha malcontento esaki a causa ariba nos isla y esaki tambe tabata topico di discusion ayera cu a pone cu e weekend aki tabata mas bien un weekend politico. Diaranzon venidero lo continua cu e reunion pa trata e impuesto ariba gasoline, y ta ser spera cu esaki lo no ta asina desordenada manera locual a tuma lugar durante weekend cu a pasa.

Ta tarea tambe di e presidente di Parlamento pa no laga e reunion sali for di man, algo cu por a nota claramente weekend cu a pasa. E orden cu mester a wordo manteni den tribuna publico tabata falta tambe, locual a yuda grandemente na baha nivel di reunion di Parlamento.

FTA ta anticipa huelganan fin di aña den sector hotelero

ORANJESTAD(AAN)—Segun Sr. Armand Engelbrecht di AVP, e siman aki durante e reunion di Eilandsraad, a tende e mes un pretexto di semper, ora tin medidanan impopular pa wordo tuma; "e ceramento di Lago a afecta e presupuesto di nos isla di tal manera cu e gobierno aki a haya su mes obliga di tuma medda".

Esaki absolutamente no ta verdad, el a trece dilanti, mustrandu cu ya prome cu Lago a anuncia cu lo bay cera su porta, e gobierno aki tabata tumando medida drastico contra pueblo caba.

El a referi ariba medidanan di aña pasa cu a ser anuncia caba na 1983, cu tabata hisamento di prijs di number di auto, di boto di piscador, telefon a subi di 10 minuut pa 15 cent pa 3 minuut pa 15 cent.

Opcion ariba entrada di 20 porciento a ser impone, a ser introduci e waarborgsom na WEB cu ta costa pueblo 40 florin 50 florin, 60 florin, 70 florin, 80 florin pa cas segun su bafor di huur. El a muestra ariba tarificanan di fia buki na biblioteca cu a subi, trahador publico a entrega vacacion, parti di nan sueldo di salario entre 7.3/4 y 8 porciento, nan a entrega adaptacion di nan sueldo cu aumento di costo di bida, den sector priva trahadornan a cuminsa perde trabao pasobra den e sector aki medida mester a tuma lugar. Ariba e medida nobo di impuesto di so-

lidad, el a laga sa cu e medida aki ta corta profundamente den carni y te na weso di pueblo. E impuesto aki ta un medida hopi drastico pa e pueblo, Sr. Armand Engelbrecht a indica.

Tambe el a splica con naapril gobierno di MEP a hisa gasoline cu 20 porciento, a hisa sigaria, tarifa di kadaster, di hipoteek y den e mes luna a bini cu mas di 60 medida, y awe ta bini cu otro medida pa castiga pueblo.

Durante gobernacion di 10 aña y mei e gobierno a haya un cantidad di placa di e refineria cu a sera su porta. E gobierno a goberna Aruba cuminsando cu mas di 25 million florin mas cu cualquier otro gobierno den pasado a goberna Aruba cu 9 million florin di impuesto di Lago y trece progreso. Gobierno di MEP a cuminsa hayando mas o menos 34 million, y ultimo añanan a haya mas di 340 million florin. E placa na grandi aki por a wordo inverti na drecha y traha hotelnan y miles di hende por a haya trabao y ainda por a reserva parti di e placa. Por a diversifica economia di Aruba tambe, pero awe e placa no tey mas y medida ta ser tuma pasobra e placa a ser malgasta door di gobierno di MEP, el a muestra ariba.

Armand Engelbrecht:

Impuesto di solidaridad ta hopi drastico

E ta corta den carni te na weso di pueblo

ORANJESTAD(AAN)—Presidente di Federacion di Trahadornan Arubao FTA, ayera mainta a duna di conoce encunto e medidanan cu ta se tuma, aumento di impuesto ariba gasoline y e impuesto di solidaridad cu gobierno di Aruba en vez di haya mas placa lo bay haya menos placa.

Ora gobierno haya menos placa na october, nan lo ta dispuesto caba patuma mas medida. El a laga sa cu como trahador mester prepara y coronta y contraaresta e medidanan.

Consecuencia di e medidanan aki ta cu FTA tin 13 contrato colectivo pa negocia, y mayoria di dononan di trabao ta exigiendo caba pa e trahadornan pa entrega beneficiacion secundario y hasta para aumento di salario, para adaptacon di salario pa sigui sobrevivir.

Lamentablemente nos mester informacu e parti di flexibilidad aki lo no por sigui existi pasobra trahador no por entrega di dos banda. Esaki lo bay refleha den problemaman laboral serio.

Por a mira den caso di King Casino recientemente caminda como dirigentenan conciento nos a demostra flexibilidad pa evita cu ta bay den un paro general cu lo por haci daño na turismo.

"Nos ta mira cu nos ta wordo provoca diariamente pa drenta den accion total den e sector cu ta e unico pilar cu a keda. Nos tin cu menciona aki, cu contrato colectivo di King Casino, Americana Casino, Palm Beach Casino y Concorde Casino, tur ta venciendo y ya ta tende y haya proposicion di e casinonan pa no solamente aumenta horario, pero pa

kita beneficiacion secundario.

"Nos tin cu cuminsa informa awor aki na Ahata, Atia, Camara di Comercio y nos propio gobernantenan cu nos no kier tende mañan cu ora cu huelga cuminsa den e empresanan aki cu dunadornan di trabao ta kita loque e trahadornan a logra durante añanan largo, cu nos no ta dirigentenan conciente y cu no kier kibra e unico pilar. Nos ta wordo provoca diariamente pa drenta den confrontacion. FTA a evita esaki te na unda cu e tabata por, pero nos ta ripara awor aki cu simplemente esaki ta bira imposibel, y e confrontacion aki sigur sigur lo bin fin di aña", presidente di FTA, Sr. Anselmo Pontilius a laga sa.

El a bisa mas aleeuw cu nan no kier tende mañan cu FTA a laga cera e hotelnan, pa motibonan di huelga. Aruba Caribbean Hotel a wordo cera danki na e forma inconsecuente cu gobierno di Aruba a traha. Y ora FTA informana diputadonan y ministranan di e desarollo peligroso aki, nan a bisa cu FTA su dirigentenan ta contra pueblo. "Contra pueblo ta esnan cu a gastá millones cu a laga Caribbean Hotel cera y awe tin un cantidad di familia ainda ariba caya. Esnan cu percura pa awe e trahadornan di Aruba Palm Beach Hotel durante 4 pa 5 añanan cu a pasa sigur no a haya aumento salarial ni adaptacion di costo di bida. Ta danki na dirigentenan di FTA cu a sa di contene e furia di trahadornan pa nan no drenta huelga. Ademas di esey ta mira cu gobernantenan ta sigui provoca den e direccion aki, el a laga sa.

Pulso ariba eleccion '85

Despues di un siman, DIARIO lo resumi loque a pasa desde e ultimo "Pulso" pa mira si algo por a cambia, of si tin tendencianan cu por a nota y cu por a influi den algun sentido e opinion emiti Dialuna pasa.

Lo mas resaltante di e siman cu a caba ta e reunion di Eilandsraad, hopi tumultuoso y nada indicativo cu algun partido lo a saca algun probecho di dje. AVP a tene su barbeque, cu a resulta un exito grandi. PPA no a move den ningun sentido publico y ta trahando 'a soto voce'. Kico lo ta su probecho? Tempo lo bay demostrando esey.

Tanto PDA como ADN a sigui move den prensa cu comunicadonan politico, cu varios punto interesante y cu ta warda ariba contesta.

MEP te ainda no a habri su campaña y esey ta obstaculiza un analisis mas profundo di e posicion actual di MEP. Ayera mainta MEP a tene un "koffiemorgen" na Surfside cu a ser bon atendi (mas of menos 350 persona). Ta parce cu di awor padilanti MEP lo cuminsa move pa desconta e ventaja cu el a concede te awor.

E gran desventaja di MEP ta cu e ta den gobierno actualmente, y cu e mester tuma medidanan impopular na bispu di eleccion. Pero, tumando nan, e lo por ta demostrando tambe un fortaleza cu por resulte beneficioso a la larga?

PPA ta un poco mas dificil pa cataloga na e momentonan aki. Hopi votador di PPA, oriundo di Isla Ariba, a regresa, y aya lo ingresa den e tent di Leo Chance, ya cu e semper tabata nan candidato principal. Cuanto por a bay? Ki efecto esaki lo tin ariba l di e asientonan cu PPA tin actualmente? Cuanto daño e abandono di sala di Staten a causa PPA ora cu mester a trata un asunto di interes primordial pa Status Aparte? Pa keda 'safe' na e momentonan aki, mester asumi cu PPA tin 3 asiento ainda.

Si midi e forza di Charro Kelly den e ultimo eleccionnan, apoya pa hopi figura politicamente pisa, por asumi cu ADN ta marchando awor cu 1 asiento den su sako. E lo saca mas? E posibilidad tey, y e ta grandi, pero solamente tempo lo bay demostrando esey.

PDA ta un partido cu a bin ta crece hopi desde e ultimo eleccion den cual el a participa. Su filanan ta amplio y tur indicacion ta cu e ta creciendo continuamente. Na e momentonan aki PDA tin 1 asiento asegura, cu e posibilidad masha grandi di logra varios mas. E campaña cu a ser lanza contra PDA, di cu Berlinski lo ta bendi cu MEP ta un ridiculez sin precedente y ya ta cayendo pa su propio peso. E no a haci daño na e partido.

Posicion TEORICO actual:

MEP.....	9
AVP.....	5
PPA.....	3
ADN.....	1
PDA.....	1

Ta keda 2 restzetel teorico. Nan por bay pa cualke un di e partidonan, aunque semper e partido cu a saca mas asiento ta conserva mas ventaja pa logra 1 restzetel of mas. Un cos ta sigur: e restzetelnan tambe lo ta hopi reñi e biaha aki!

Pueblo mester paga pa errorman

ORANJESTAD(AAN)—Segun AVP gobierno di Aruba a mantene su lomba bira pa pueblo pasando e medida di impuesto di solidaridad den oranan di madrugada.

Te den oranan di madrugada AVP den Eilandsraad a bringa conhuntamente cu e otro partidonan di oposicion, e medidanan cu gobierno ta bay impone ariba nos pueblo.

AVP a keda trece padilanti cu e medidanan ta un peso mucho pisa pa esnan den nos comunidad cu ya caba ta enfrentando dificultadnan grandi.

"Como ultimo esfuerzo Henny Eman den nomber di oposicion a entrega un mocion, cu ta puntra gobierno pa hala atras e medidanan di cual nan consecucionan no ta studia y laga gobierno bini cu un plan integral manera e sindicatonan tambe ta desea. Di tur manera a trata di convence Gobierno cu e medidanan aki por tin consecucionan fatal pa nos isla, pero en vano. Gobierno a mantene su lomba bira pa nos pueblo y den oranan di madrugada a pasa e medidanan. Tur esaki ta prueba un vez mas cu e grupo chiquito cu ta gobernando nos isla kier laga nos pueblo paga pa gobierno su errorman, sin duna ningun speranza pa futuro", segun AVP.

Segui lesa pag. 10


FTA ta invita gobernantenan pa awe bishita trahadornan den diferente sector

ORANJESTAD(AAN)—Segun presidente di FTA, Sr. Anselmo Pontilius ariba e impuesto di solidaridad y impuesto ariba gasoline a duna di conoce ayera cu e medida di 8.2 porciento a pasa, pero e medida ariba aumento di gasoline lo bay bin. Como trahador bo no porsigui soporta cu nan ta hinca man den bo sako sin cu bo tin control ariba. E gobernantenan ta kere na e momentonan aki cu nan ta bay haya sumanan grandi pa luna, pero hopi vez nan ta bay sali equivocada, el a bisa.

Segun Sr. Anselmo Pontilius trahadornan mester prepara nan mes pa confronta e diferente dunadornan di trabao cu ta purba saca probecha di e situacion y tambe si mester confronta gobierno den un of mas ocasion lo sigui confronta gobierno den esaki.

Gobernantenan ta aki pa dirigi e pais aki y e forma cu nan a dirigi e pais durante ultimo añanan ta pone cu por ripara e cantidad di robo tur dia, e aumento di cantidad di familia cu no por paga nan papel di awa y di coriente. "Nos ta puntra nos mes si ta esaki nos kier hiba nos pais aden, caminda tardi of tempran e sector turistico ta ser afecta enormemente. Si nos haya hende cu hamber, hende mal contento, nan no por bay hari cu turistanan diariamente.", el a laga sa, invitando e parlamentarianan cu a vota pa e 8.2 porciento pa entrante awe nan bishita e sector hotel, sector bancario y sector comercial y puntra trahadornan con nan lo por sigui biba. "Puntra nan si nan por sigui biba den estilo cu nos gobernantenan ta biba, goza den nightclub, come den restaurant tranuilamente. Nos trahadornan den sector bancario, comercial, y den sector di contratista, mas y mas ta pasando den un situacion dificil", el a laga sa.

El a duna di conoce tambe cu ta ser ripara cu e proyectonan cu gobernantenan ta broma cune den sector hotel, poco poco sigur ta bayendo na awa, locual ta lamentable pasobra segun opinion di FTA, hopi di e doño di trabaonan aki no ta confia inverti nan placa mirando e forma cu e gobernantenan ta haci y deshaci, simplemente dictando den un forma cla y no ta tene cuenta cu ningun gremio. E desobediencia social lo bay crece rapidamente. Eunico salvacion ta e propio pueblo na momento cu e dicide di haci cambio den gobernantenan pasobra simplemente e problema princi-



Perkura pa bo hanja bon nutrishon

BEBE NUTRAMENT !

Nutrament ta kontene tur vitamina y mineral kual tantu nos tur tin mester di dje diariamente.

Nutrament ta ideal pa mucha, duné bai skol ku ne!

Na su sabor bo ta sinti su balor!

distr. Curacao: LAFAR ANTILLANA INC.
Caracasbaaiweg 38 - Tel. 613266
distr. Aruba: HECTOR HENRIQUEZ B. ARUBA
Tomatenstraat 8 - Tel. 23821

Parlamentarionan cristian

Betico Croes: En tiempo de guerra no hay misa

WATTY VOS

Parlamento ta consistiendo di **cristiannan**. **Dia di Señor** semper a wordo respeta pa pueblo Arubano y parlamento Arubano mester ta un ehemplo pa pueblo. **ARubano.**

Ta imposibel pa trata un proyecto di ley cu tin tanto consecuencia negativo pa e pueblo na momento cu pueblo ta drumi, y dicidi di continua cu e reunion aki ariba **dia di Señor**.

BENNY NISBET

Laga nos calma un rato analiza kico ta pasando, kico ta e justificacion, pakico un proposicion di ordo di oposicion no por wordo respeta.

Awe ta diadomingo, nos ta tres dia largo den e sala aki. Gobierno tabata tin lunas, despues cu e rapport di IMF a bini cla, pa prepara nan mes. Pakico nan no a bini cla na tempo?

Pasobra den coalicion di gobierno central nan tabata bringa otro y cu politiconan di Curacao tabata bisa politiconan di MEP "nos ta bay baha sueldo na Curacao cu 10 porciento, boso wak pa boso baha sueldo na Aruba tambe cu 10 porciento".

No a interesa nan cu dia cu Lago a cera a cuminsa tuma medida na Aruba, sin cu na Curacao medida a ser tuma. Pasobra situacion actual di Curacao ta den peliger, y pa bende esaki politicamente, politiconan di MEP mester acepta cu e mes 10 porciento mester ser impone na Aruba.

Awor nos ta entrega mocion pa **respetu Dia di Señor**, y lider di MEP ta bisa cu si mester acepta esaki e ley di gobierno central ta drenta na vigor.

Awor, ta kende ta den gobierno Central?

Tempo cu PPA tabata den Gobierno central cu un asiento nan tabata bisa cu PPA no ta sali na interes di Aruba pasobra nos tin un asiento. Awe MEP ta den gobierno central cu 6 asiento di e 15 nan di gobierno central.

Ki mishi cu Arubianonan tin deseo di **respetu Dia di Señor** y Gobierno Central di MEP no ta respeta e decision di representacion Arubano. Ki mishi ora representacion di pueblo Arubano dicidi como cristian gobierno central di MEP ta bin impone mi dilanti. Ami no por acepta esey como **cristian** ni como Arubano.

HENNY EMAN

Verdad ta cu oposicion a trata lo maximo pa convence gobierno pa no tuma medidanan aki contra e pueblo. Awor ta bin resulta cu e 10 porciento ta ser tuma pa motibo di Status Aparte.

Nos a kere cu a yega un fin na e sindroma aki esta cu cada cos cu tuma lugar na Aruba ta falta di Curacao, falta di oposicion, falta di henter mundo, y fuera di falta di gobierno.

Awor nos ta bin tende cu e proposicion haci pa pospone e reunion pa motibo di **Diadomingo ta Dia di Señor**.

Awor ta wordo interpreta como si fuera e miembronan ta contra Status Aparte. Ta unda fin di e imaganacion aki ta bay yega. Ki dia ta haya common sense den e partido cu ta sostene gobierno aki.

Si acaso tin un aspecto juridico tecnico cu e medida mester pasa prome cu e dia aki, ta kende ta den gobierno central? Ta kende ta sostene Gobierno Central? Kende mester a percursa pa e por a sosode mas tempran?

Ta increibel cu e partido aki den oranan di madrugada kier pasa e medidanan mas severo cu nos a yega di conoce den e parlamento aki, pero no kier **respetu Dia di Dios**, y no

BETICO CROES

Como 12 or ta acercando ta bini cu proposicion di ordo. Nos tur ta **cristian** y oposicion ta pidi pa nos por suspende e reunion.

Verdaderamente den e raad aki tur e miembronan ta **cristian**. Semper ta nos deseo pa traha dia y anochi den siman y pa tuma descanso ariba **Dia di Señor**, y **respetu Dia di Señor**, pero sin embargo, aki tin un complicacion tecnico y juridico. Si awe nos no bini cla cu e prome punto di agenda, awe nochi of den madrugada, e afkondiging lo no por tuma lugar. Kiko lo ta e consecuencia? Cu e diez porciento di Antillas lo ta aplicabel ariba Aruba.

Aunque cu nos ta respeta **Dia di Señor** y pa Motibo di e complicacion juridico, MEP ta rechaza e proposicion di orde, cu ta un weg apolitico. Nos tur ta keda **cristian**, nos tur ta **respetu Dia di Señor**, pero aki tin un complicacion tecnico y juridico pa nos pueblo pa motibo di e calamidad nacional aki. **"En tiempo de guerra no hay misa"**.

CHARO KELLY

Awe ta diadomingo, fuera di esey ta laat caba. Pueblo ta durmiendo. Lo ta bon pa **respetu dia di Diadomingo, dia di Señor**. Respet pa e pueblo ariba cual e medida ta ser impone, y continua dialuna y no awe.

Cu e medida di gobierno central ta drenta na vigor dialuna awor, hecho ta cu MEP ta forma parti di Gobierno Central y por a haci cu esaki ta asina.

Si nan a haci nan trabao manera debe ser, anto lo no tabata tin mester di presion pa e reunion aki por continua.

MEP cu ta den gobierno central mester a haci su trabao y muestra cu e medida di gobierno central lo no wordo acepta pa Aruba, pero cu Aruba ta dicidi su mes. Apeser cu nos ta den Antillas ainda, Aruba mes dicidi ariba su asuntonan sin cu Aruba mester ser trata di e forma cu Curacao ta impone ariba nos aki.

kier warda te dialuna mainta. Ami ta haci un apelacion ariba mi colega nan di fraccion y tur di oposicion, pa no acepta esaki. Si verdad e partido

cu ta sostene gobierno vota contra e proposicion pa den oranan di madrugada bay introduci medidanan aki ariba **Dia di Señor**, mi ta bay bandona e sala aki (local tur di oposicion a haci tambe).

KLIM

E LECHI DI AYERA, AWE Y MAÑAN

ENRIQUECE CU VITAMIN A y D

Ku un grandioso campaña ku

250 PREMIO

KAMBIA E BLEKI BASHI DI KLIM

(1 TICKET PA KADA LIBER) NA:

ODUBER AGENCIES N.V.

BEATRIXSTRAAT 48 - TEL. 25333



E PREMIONAN TA CONSISTI DI:

- | | |
|--------------------|--------------------------|
| 10 Tabla di strika | 10 Toaster |
| 19 Rice cooker | 10 Hero di strika |
| 11 Fan di mesa | 12 Radio portatil |
| 10 Hair blower | 2 Set di weya |
| 7 Pesa pa baño | 50 Set di kuchiu ku fork |
| 30 Horloge di man | 24 Kanika di awa |
| 1 Camara | 24 Parker pen |
| 20 Ketel | 10 Set di calculator |

Sorteo lo ta tur
Diaviera pa 10 siman
3 or via Radio Carina.

Prome sorteo lo ta
October 4, 1985.

TUR SIMAN 25 PREMIO

Problema cu bo aparatonan
instalacion electrico,
airco, frigidaire, stoof di gas
ect. etc.
YAMA
46209
Djo Farro
ZEEWIJK 13 - A



Bo tin gana di bay

Punto Fijo?



Ban ku Prop-Jet di

ODUBER AVIATION

jama 26975 of 23080



TELEARUBA

Monday sept.16
12:00-2:00 take two
6:00 spiderman
6:30 seguridad den trafico
6:45 Guadalupe
7:30 gobernacion
8:00 Telenoticias
8:30 The Jeffersons
9:00 Harold's sport show
9:30 Dynasty
10:30 International news
11:00 sport tonight
11:30 clausura

BOTICA NA WARD
SEPT.14 - SEPT. 20
BOTICA del PUEBLO

DOCTER na WARD
Dr.van Trigt Tel.28017
of via hospital tel
24300

AMBULANCE:
O'stad Tel: 21234
San Nicolas Tel: 45050

HOSPITAL:
Tel: 24300
POLIS:
Tel: 100
CENTRO di ALARMA
Tel: 115
TAXI STAND
Oranjestad Tel: 21604
San Nicolas Tel: 45160

MARTIJN TRADING Co.
HOEKIJZER
Tel.: 21492 EAGLE

Inglaterra den problema

LONDRES:—Inglaterra a perde un oportunidad unico pa prepara viaje pa Mexico cu e empate di 1-1 cu Rumania pasobra Rumania awor tambe a yega mas cerca di Me-

xico y den e mes grupo Irlanda Noord cu su empate contra Turquia sin anotacion tambe tin e mes oportunidad awor pa prepara maleta.

**BOTANICA
'ASTRO SUERTE'**
BO UNICO Y ORIGINAL CENTRO DI
SUERTE AKI NA ARUBA
ARENDSTR. No. 22A TEL 23628

"LA SIBILA"
BO PALACIO DI SUERTE
KERKSTR. No. 13 - Tel 23811

**CAMINDA UN Y TUR
TA COBRA SIGUR !**

Diasabra

TACHIRA 12705 08454 01321
ORIENTE 78167 57057 97995

Diadomingo

STO.DOMINGO 00593 20167 17124
ORIENTE 21119 32367 78215

HOROSCOPO

TA PRESENTA

TEL 26220

EL BARATILLO
NOS A MUDA PA LUGAR NOBO
COLUMBUSSTRAAT 9A

ARIES(21 maart - 20 april)

Sentimentonan apasiona ta surgi di bo no sa unda y ta conduci pa ningun caminda. Amor ta mas cu sensacion. Sufrimento ta hasibo grandi. Podernan mental ta halto. Bo number pa awe 302.

TAURUS(21 april - 20 mei)

Esun cu bo ta gusta ta na bo disposicion. Bo ta trata di comprende su abilidatnan scondi. Tene pasenshi cu inquietud, y deseonan falso. Bo number pa awe 181.

GEMINIS(21 mei - 20 juni)

Obligacion pa hende y tambe pa bo trabao ta exige hopi dedicacion dibo. Hendenan por decepcionabo cruelmente. Papiamento amikal por yuda. Bo number pa awe 201.

CANCER(21 juni - 20 juli)

Atencion pa trabao y eficiente ta esensial pa bay caminda cu bo kier. Sacrificio solamente temporalmente ta doloroso. Tin un tesoro social. Bo number pa awe 221.

LEO(21 juli - 22 augustus)

Realisacion misterioso y spiritual ta punta den reaccionnan nobo. Bo ta sintibo babuca door di transedentenan. Fundacionnan of comunidad y cas ta fortalece. Bo number pa awe 241.

VIRGO(23 augustus - 22 september)

Si bo ta sinti bo malo pa cu bo fuentenan of den un slum fisico, opinion profesional por yudabo. Gastamento di mas no ta bon. Tempo social ta placentero. Bo number pa awe 248.

LIBRA(23 september - 22 october)

Desaroyonan grandi relaciona cu trabao ta den background. Sentimentonan ta compleho, explosion. Comunicacion lento, y gentil lo yuda. Bo number pa awe 265.

SCORPIO(23 october - 22 november)

Stimulacion Sexual ta fascinante pero posiblemente peligroso. Bo talentonan scondi ta sali misteriosamente y ta straña tur hende. Bo number pa awe 480.

SAGITARIO(23 november - 21 december)

Anque vibracion social y amor ta bin na grandi pabo, bo ta super sensitivo encunto sosiego. Pospone critica. Bo number pa awe 235.

CAPRICORNIO(22 december - 19 januari)

Lugarnan pa bishita ta intrigabo y ta fomenta amistad. Desaroyonan relaciona cu entrada y carera ta excelente. Sosega cu bon amigonan. Bo number pa awe 613.

AQUARIO(20 januari - 18 februari)

Lucha entre sexonan, batayanan pa cu ideanan di trabao y placer por ser solucionada door di pensa tranquilamente. Bo ta subi den trabao. Bo number pa awe 249.

PISCIS(19 februari - 20 maart)

Progreso den carera ta enfatisa pensamentonan cla, skerpi y ta dramatiza beyesa. Fondonan fuera di bo alcance ta yega cerca. Bo mester ta caminda amigonan ta. Bo number pa awe 166.

SUERTE DI PUEBLO

NUMBER:.....

ADRES:.....

MI NUMBER DI 4 CIFRA TA:

E COUPON AKI TA VALIDO
PA E CORTEO DI:

SEPT 16

PROME PREMIO:

Fls.100,00 OF UN MACUTO DI PRODUCTO

SEGUNDO PREMIO:

Fls. 50,00 OF UN MACUTO DI PRODUCTO

TERCER PREMIO:

Fls.25,00 MAS UN MACUTO DI PRODUCTO
SPONSERNAN.

SORTEO POR WORDE PRESENCIA PA PUBLICO TUR
ANOCHI PA 10'or VIA RADIO VOZ DI ARUBA.

DEPOSITA E COUPON AKI NA VOZ DI ARUBA OF NA
CANAL 90 PROME CU 6 or ATARDI



Gobierno ta comete injusticia social

Segun Armand Engelbrecht di AVP

ORANJESTAD(AAN)—Sr. Armand Engelbrecht di AVP den programa di AVP a trece dilanti ayera cu ta hisa impuesto crando asina mas tristeza, mas pobreza, menos entrada pa familiar, menos paña pa yiunan, por ta hopi ta keda cu hamber, mas hende sin trabao y mas sufrimento den pueblo.

El a laga sa cu ta straño cu ora pasa den e concepto di ley por ripara cu gobierno sin mas a dicidi di aplica e sistema proporcional na lugar di e sistema progresivo. El a laga sa cu AVP no ta comprende cu MEP, un partido cu ta yama su mes social democrata, ta introduci un sistema na unda esnan cu tin menos entrada mester entrega mas y esnan cu entrada grandi ta entrega menos. El a duna un splicacion en corto bisando, cu nos sistema di ley di impuesto ta traha na un sistema unda por papia di justicia social. Den esaki un persona cu tin entrada chiquito ta paga menos na belasting y esnan cu entrada grandi ta paga mas.

Por ehemplo, un persona cu ta gana 600 pa luna ta paga 19,60 y un cu tin 10 mil florin pa luna ta paga pa luna 4071 florin, cu ta 40 porciento di su entrada. Esun di 600 florin ta paga mas o menos 3 porciento.

Awor cu e medida nobo, gobierno ta cometiendo un injusticia social, el a laga sa splicando cu esun cu ta gana 600 florin awor aki, pagando 19,60 florin pa luna, lo bay paga 68,81 florin ora aplica e ley di 8.2 porciento.

Un familia cu tin entrada di 800 florin pa luna cu awor aki ta pagando na im-

puesto 31,74 florin, ta bay paga awor cu e medida nobo, 97,34 florin, cu ta un aumento di 206 porciento di belasting.

E persona cu ta gana 10 mil pa luna ta bay paga awor 4891 florin, locual ta un aumento di 800 florin, pero AVP tabata kier pa e gobierno a haci un mihor estudio di e medidanan pa mira con e por a trece un sistema mas justo, mirando e consecuencia cu e medida aki lo por tin ariba e pueblo den su totalidad, y ariba costo di bida na Aruba, segun Sr. Armand Engelbrecht. E pueblo cu no tabata tin participacion den gastamento di placa awor mester paga pasobra gobierno a hiba un maneho irresponsabel durante ultimo diez añanan.

Por a bini cu medidanan cu por a alivi dolor y preocupacion di pueblo, manera bahamento di tarifa di profesionnan liber, manera docter, abogado etc. bahamento di tarificanan di remedi, control estricto ariba prijs di comestibel, por a bini cu bahamento di interes ariba hipoteca, fianzanan personal na banco, hisamento di interes di placa di spaar pa stimula spaarmento. Tur esaki por a balanza e dolor di pueblo.

Lamentablemente cu e unico contesta cu por a haya ta cu gobierno ta studian do e medidanan cu por alivia e dolor. "No tabata tin ningun dialogo cu sindicato tampoco. AVP tabata tin e speranza cu esaki lo tuma lugar, ya cu sindicatonan a bisa cu nan tin comprension pa e situacion critico financiero cu Aruba ta aden, y por a sinta dialogo y yega na un paquete total y balancea", el a laga sa.

Grace Bareno:

MEP ta confronta campana duro y sushi

Forza femenino ariba su mes ta un poder ORANJESTAD(AAN)—Durante e desayuno di comision di damanan di MEP ayera na Surfside, Diputado Grace Bareño a muestra ariba balor di hende muher den politica.

El a laga sa cu e deseo semper tabata reina den su curazon di mira e hendenan muher den MEP uni, uni den un solo meta, pa traha primeramente na bienestar di partido, di Aruba pero principalmente na propio desarrollo. E desarrollo aki cu lo concientiza hendenan muher cu nan ta parti integral di e comunidad chiquito aki, "cu nos ta yama no pa haci trabao secundario, pero di para firmemente den e mesun zapato y calidad di cualquier hende homber. Nos como hendenan muher tin un sentimento distinto, nos ta mas decisivo y si nos por ta un bon mama, pakico anto nos no por ta un bon politico y gobernante? Pakico nos como hendenan muher door di nos union, forza y boluntad lo no hiba MEP na e victoria sigur y aplastante dia 22 di november proximo?" El a laga sa.

El a muestra cu e campana venidero lo ta un campana sumamente duro y sushi. "Nos mester bay bringa cu nada menos cu 4 partido politico y mas diferente medionan di comunicacion cu ta contra nos, y esaki ta un lucha fuerte, pasobra tur e campana lo ser dirigi contra nos. Lemanan y insinuacionnan falso tin na cantidad contra nos, manera 300 millon, corrupcion, Betico a sera Lago, Shell, grupito, pero conociendo mi pueblo mi sa cu nan ta inteligente, cu nan lo no cay pa palabranan emocionante pero sa di huzga, sa di balota e balor humano. E amor cu nos partido semper tabata tin pa cu nos isla. Nunca Antes Aruba a haya un gobierno y gobernantenan cu ta asina cerca di nan, cu na tur momento ta biba cu nan y ta comparti e problemanan cu ta reinando actualmente, a consecuencia di recesion mundial y baymento di Lago. No ta Aruba so ta pasando den e problemanan aki, pero ta mundo henter", el a laga sa.

Srta. Grace Bareño a splica cu e tin añanan den politica y ta contento cu durante tur e añanan ey e tabata representante di esnan na e koffiemorgen. "Mi ta contento di por a contribui como hende muher cu e lucha di Aruba, mi ta contento como gobernante di por a percura pa diferente proyecto pa Aruba. Ta mi mas sincero deseo di por sigui ser boso representante, di por conta masalmente ariba e forza femenino cu ariba su mes ta un poder. Ojala cu for di boso tambe lo sali mas muhernan mes balente cu boso, cu ta cla pa sacrifica pa traha na bienestar general di nos partido y nos Aruba nobo", el a laga sa, finalizando cu ta su mas sincero deseo cu mas hende muher lo participa activamente den politica.

Aruba y su futuro tin su prome programa mañan

ORANJESTAD(AAN)—Segun DIARIO tin entendido di Dario's Production, tur cos ta cla pa e prome transmision mañan anochi di e programa nobo comunicativo y informativo "Aruba y su futuro".

Manera DIARIO a relata algun dia pasa, e programa lo ser transmiti for di varios distrito pa no solamente informa pero tambe pa e pueblo por participa.

E programa mañan anochi ta 7 or na Centro di Bario Noord. Representantenan di comercio, sindicato, y partidonan politico ta asisti pa conhuntamente cu e publico presente evalua e situacion socio economico ac-

tual di nos isla, dunando informacion ariba e cambionan ariba tereno estatal, gubernamental, y teniendo cuenta cu eleccion venidero. E programa por ser scucha via Radio Kelkboom.

E topico mañan anochi lo ta consecuencia di cierre di Lago y Shell, pa Aruba ariba tereno economico social y cultural.

-Een nieuwe coupe-een nieuw gezicht
-Een 'body-perm' geeft veel volume zonder krul.
-Relaxen-van kroes naar grote krul
-Heeft U haarproblemen?
Laat Uw HAAR GRATIS microscopisch onderzoeken
HAIRSTYLING
IRMA TER MEULEN



Bloemond 5
Paradera / Tel. 26941

CAREER OPPORTUNITY


Scotiabank 
THE BANK OF NOVA SCOTIA

St. Maarten

Announces an opening for Senior Operations Officer/ Supervisor Customer Accounts. The successful candidate must have a minimum educational level of HAVO/VWO and have a demonstrated ability to work well and supervise co-workers. A minimum of 5 years retail Banking experience at a management level is required.

Salary is commensurate with qualifications.

Resumes may be sent to the Managing Director at Scotiabank, P.O. Box 303, Philipsburg, St. Maarten, N.A.



Fls. 875,-

HOMAC N.V.
L.G. Smith BLVD

Estrella a pasa su so pa prome lugar

ORANJESTAD(AAN)— Cu Estrella ta determina pa hunga den e playoff final contra Dakota, a ser demostra diasabra ora cu nan a enfrente RCA y a domina e partido por completo y cu bon direc-

cion di arbitro Bosse. Estrella a gana e partido cu score di 2-0 cu un marcacio prome y otro despues di sosiego, y asina tambe a bira lider den e playoff semi final aki pa clasificado no. 2 di e

campeonato. Na di 12 minuut di prome tempo tabata Kees Rasmijn kende a anota e prome goal di Estrella y despues di sosiego na di 27 minuut Denchi Werleman a haci e wega 2-0 cu cual anotacion e partido a termina tambe.

Estrella su siguiente wega lo ta diasabra venidero contra Bubali.

RCA ta enfrente Bubali Diamars awor.

Na e momentonan aki Estrella tin 2 wega gana, cu 5 goal na fabor 0 goal contra, sigui pa RCA cu un gana y un perdi, cu 4 goal na fabor 3 goal contra, y Bubali tin 2 goal na fabor 7 goal contra, dos partido perdi.

Mañan anochi RCA y Bubali ta subi tereno atrobe y lo ta oportunidad pa Bubali trata di saca e sla di siman pasa, ora cu nan a perde di RCA cu score di 4-2.

DEPORTE



ANOTADORNAN KEES RASMIJN Y DENCHI WERLEMAN DI ESTRELLA



Kees Rasmijn anotando aki pa su equipo Estrella den e encuentro diasabra anochi contra RCA.

Ovet a gana milla di Westminster

LONDON: E portador di record mundial Steve Ovett ayera a gana e careda di Westminster, den 56.04 seconden. Tabata e asina yama Westminster mile cori ariba caya. Despues di 1300 meter Ovett a tuma delantera di e coreador Mike Boit cu a despedi cu e careda aki y den ultimo 300 meter, Boit no tabata tin ningun oportunidad mas di lo por gana. Steve Cramm cu dos siman pasa a sufrir un lesion a termina na segundo lugar y Ray Flynn di Irlanda a termina tercero.

E coreadora di Argentina Maricía Puica a gana der categoria di damas dilanti di e coreador britanico Christine Boxer y Kristy McDermott.

DARIO'S PRODUCTION

PROGRAMA INFORMATIVO RADIAL
"ARUBA Y SU FUTURO"

Participa na e programa informativo
"ARUBA Y SU FUTURO"


Diamars awor 17 september, for di Centro di Barrio Noord pa 7'or di anochi
Topico: Consecuencia cierre di Lago y Shell pa Aruba ariba tereno economico/social/cultural

WIN FREE TICKETS TO GRANDPRIX CURACAO 1985

TICKETS FREE AT GARAGE CORDIA ARUBA N.V.
on purchase of a new TOYOTA


Entre September 16 y Oktober 5, 1985. Tur comprador di un auto nobo marca TOYOTA cumprá na Garage Cordia Aruba N.V. lo ricibi un ticket ida y vuelta pa Corsow y entrada pa e caredanan di Grand Prix Corsow durante 10-11-12-13 di Oktober 1985.

Cumpra un TOYOTA awor, e ta cumbinibo semper.



GARAGE CORDIA ARUBA N.V.
L.G. Smith Blvd.
Tel: 24455

Abogadonan a trapa polis den futbol



Walter Kramers manera un strea di futbol estilo di Walter "Socrates" Kramers ta baha su so cu bala, cla pa pasa pa Chinto Croes, despidiendo asinta tambe di e equipo di futbol di POVA, cla pa firma contrato cu e equipo di abogadonan.

ORANJESTAD(AAN)—

E abogadonan di nos isla a muestra polis cu no ta den ley so nan ta experto pero tambe ariba tereno di futbol.

Diasabra merdia e polis nan a obliga e abogadonan cu un orden pa cuminsa wega lomba sunu den solo cayente. Pero despues di diez minuut ora cu uniformnan di polis a yega, e abogadonan a forza e polisnan di bisti uniform tambe den e solo cayente.

Manera e wega a cuminsa e abogadonan a cuminsa nan maltrato deportivo contra polisnan.

Mr. Ari Swaen cu ainda tin algo di sanger di futbol den su pianan, a fusila portero Ari Rasmijn for di distancia di 30 meter. Portero Rasmijn cu un tempo tabata un aguila den goal a ripara ey nan cu velocidad a baha entre e latanan pasobra ta un rato despues, e no a haya ni tempo pa reacciona ariba e tiro di Mr. Hillen cu tambe a drenta den net.

Despues tabata Mr. Ben Wilms ariba un bunita pasa di Mr. Hans Sjiem Fat ta fusila portero Rasmijn pa haci e wega 3-0.

Despues di sosiego, Glenroy Lake tabata manera confundi, of ta duele e tabata tin di e polisnan. El a hira un bala manda pa su portero, pero na lugar di manda un toque leve, el a manda un cañon ariba portero di su mes equipo, dunando polisnan nan unico goal pa



Portero Ari Rasmijn di POVA cu masha dolor di hueso aki ta sacando e tiro suave di Ben Wilms cu a penetra net, pensando ariba su tempo di aguila di lata.

medio di un autogaol.

Durante sosiego e goalgetter Mr. Ari Swaen a ser tilda di tabata tin un tiro di suerte pa marca e prome goal di e abogadonan locual no a cay na a grado di su pia drechi.

El a dicidi den segundo mitad di wega pa duna prueba di su punta pia di oro, y a fusila portero Chido Maduro cu a reemplaza portero Ari Rasmijn. Portero Maduro mester a puntra su mes si ta maribomba a pasa pa casualidad banda di su orea, riparando cu tabata e bala cu a pega den net.

Despues di e goal aki Thijsen a baha su so cu bala, yega dilanti portero Chido Maduro cu a keda zonza di e goal di Mr. Swaen ainda, y ta deposita e bala den goal pa goal number 5 di e abogadonan.

E sexto anotacion a bini di Mr. Ben Wilms. El a tene duele di portero Maduro y no tabata kier a fusile. El a yega te dilanti goal y cu un toque di pluma el a deposita e bala den net.

Despues di e partido e polisnan a tuma despedida di e alero Walter "Diego Armando" Kramers kende a hunga su ultimo partido cu e equipo di polis. Den futuro e lo hunga pa abogadonan bao di e number di Mr. Walter "Zico" Kramers.



MARTIJN TRADING Co.
FLAT BARS
Tel. 21492 EAGLE

Sombre a bay rond pa yuda cubri daño

AMSTERDAM: Cu no ta tur fanatico di futbol por ser califica di ta mescos a ser demostra ayera na Hulanda ora cu un grupo di fanatico di FC Den Haag tabat ana caminda di cas den bus. E bus a para na un pomp di gasoline na altura di Coentunnel pa e fanaticonan por bishita lugar sanitario di e establecimiento. Cuatro fanatico a probecha di baha na awa cu algun mangel y algun bril di solo sin paga. Polis a ser poni na altura y na entrada pa e tunnel e bus a wordo para.

E cuatro fanaticonan a admiti nan ladronia. Pero e otro nan den bus, mustrand cu nan no ta di acuerdo cu e actitud di e 4 nan, a dicidi di bay rond cu sombre y asina a logra cobra un suma di placa cu a ser paga na doño di e pomp di gasoline pa daño cu el a sufri cu e ladronia aki, segun polis di Amsterdam a laga sa.

Sanchez a mantene Real Madrid na prome lugar

MADRID: E mexicano Sanchez a logra mantene Real Madrid ayera na prome lugar di e campeonato spaño, door di anota e unico goal contra Racing Santander. Real Madrid awor ta empata na prome lugar cu Athletic Bilbao cu 7 punto den 4 partido.

Campeon Spaño Barcelona a desapunta fanaticonan ayera empatando na dos goal cu Osasuna Pamplona dilanti 90 mil hende. Amerilla a anota e prome goal, y despues Ripodas y Benito a manda Osasuna dilanti 2-1, y casi na final di wega, Schuster cu tabata e mihor hungador ariba tereno a anota pa Barcelona pa empata e wega na 2.

Den e campeonato Spaño despues di 4 siman di wega, Gijon ta na tercer lugar cu 6 punto sigui pa Real Zaragoza cu 5.

Den otro encuentronan di ayera, Bilbao a gana Hercules 0-1, Cadiz a gana Atletico Madrid 2-0, Real Zaragoza a empata cu Real Valladolid 1-1, Celta a gana Español 2-1, Gijon a gana Valencia 1-0. Real Sociedad a empata cu Real Betis 2-2.

Victoria pa Arsenal y Independiente

ORANJESTAD(AAN)— Den futbol division dos Arsenal a gana Jong Aruba cu score di 2-0.

Cu e derota aki toch Jong Aruba a keda como lider den e campeonato cu 21 punto y Arsenal cu e victoria a yega na 16 punto ocupando segundo lugar.

Jong Aruba ya a clasificarse mientras cu Arsenal falta un wega mas pa hunga y lo ta contra Riverplate.

Independiente den otro partido a derota Riverplate

te 5-1. Independiente cu e victoria aki a yega 13 punto y Riverplate a keda cu 15 punto.

Otro siman deciden lo cay den e campeonato aki pa locual ta clasificacion.

Caravael ayera mester a enfrenta La Fama, pero e ultimo aki no a present ariba tereno y a perde pa default.

La Fama a termina e campeonato na ultimo lugar y Caravel falta dos wega mas y ta contra Independiente.

Fanaticonan di Den Bosch deteni

DEVENTER: Sperando cu lo bini problema den e ciudad di Deventer, polisnan a prepara pa tene bista ariba fanaticonan tur caminda, y especialmente den centro di ciudad.

Un total di 18 fanatico di Den Bosch a ser deteni relaciona cu ladronia y violencia. E fanaticonan a yega for di diasabra pa e partido entre Den Bosch y Go Ahead Eagles y nan ta "bini pa busca problema" manera un vocero policial a laga su.

Procesverbaal a ser traha contra cada uno. Durate e encuentro y despues no tabata tin ningun problema, segun polis.

Pedro Kelly:

Cifranan di IMF ta diferencia di cifranan di presupuesto

ORANJESTAD(AAN)— Sr. Pedro Kelly durante e reunion di Parlamento for di prome tanda cu contestacionnan a ser duna ariba preguntanan haci, no por a haya un contesta satisfactorio ariba un pregunta specifico. Pa kico tin diferencia den e cifranan di IMF y esun di e presupuesto cu siman pasa a ser duna na parlamentarionan.

El a laga sa cu den un paar di siman e diferencia a bira 34.9 millon florin.

Rapport di IMF ta menciona gastonan di 277

millon y e presupuesto di 1985 cu a ser haya siman pasa ta menciona 242.1 millon florin.

Di e entradanan el a muestra cu Rapport di IMF ta papia di 238.8 millon y presupuesto 85 ta muestra 190.1 millon florin y cu aki e diferencia ta 48.7 millon.

E splicacion cu el a haya ta cu den entradanan y gastonan, IMF a tene cuenta cu Aruba comosifuera e aña aki Aruba ya ta un pais.

Deficit ariba rapport di IMF ta muestra ariba cuenta coriente 38.2 y ariba presupuesto 58.2 y e splicacion cu el a haya ta cu e cifranan di IMF no ta di e confiabel ey pa motibo cu nan ta cifra usa despues di extrapolen nan (esta pone gasto nan y entradanan manteniendo tendencia di añanan anterior). Nan a ser calcula como si fuera Aruba ta den Status Aparte.

ARUBA

Les di Inglés cu conversacion
Les di Spaño cu conversacion
Lesnan ta wordo duna

Anochi na
JULIANA SCHOOL

na O'stad
Pa mucha y hende grandi
Irausquin
Tel. 28058



FLOR Y'S
Fashion Boutique

A CABA DI RICIBI
BLUSA,
SET DI CARSON
y PISCADO

Hendrikstraat 7
Tel: 31922

TA BENDE

BOLIVARS
(13,00 pa 100)

Na: ARUBA PALM
BEACH CASINO

TUR DIA

For di 12.00 or te cu
3'or p.m.

E contesta cu e cifranan no ta di confiabel ey, a pone cu ADN a keda persisti cu Bestuurscollege no ta suficiente prepara pa por tuma e medidanan, y cu Bestuurscollege cueste loque cueste mester a tuma e medida pa scapa cara den gobierno central.

Sr. Pedro Kelly a muestra ariba e cantidad di entre-

ga cu tabata tin caba di parti di ambtenaarnan, y tambe den sector comercial caminda cu varios empresa a tuma su medidanan tambe pa por sobrevivir. Awa a subi cu 62 por ciento compara cu december, electricidad cu 12 por ciento, number di auto 100 por ciento y e pueblo no por mas cu medidanan.

TA BUSCA

Un PARTIDORA pa drenta servicio
inmediatamente pa e bario di
TANKI LEENDERT

Pa mas informacion pasa personalmente na
Oficina di Diario durante oranan di oficina
no ta acepta via Telefoon

ATENCION!!!

Lopez Blok & Transport Service

Ta ofrece 1 paketa completo pa bo construcion:
PIEDRA no. 4
PIEDRA no. 5

BLOKKI 6"

BLOKKI 4"

SANTO pa Pleister y SANTO pa Basha y
SANTO pa Pega Blokki

Adres: Oficina

Santa Cruz 111 - B. Tel. 28448 - 34590

Habri di Dialuna te cu Diasabra di 7'or te cu 4'or.

ATENCION!!!



buro arends n.v.

praktijkopleidingen

aruba arendstraat 9 tel. 23515

curaçao scharloeweg 75B tel. 612409/612470

Schrijf U tijdig in voor de opleidingen welke wij in samenwerking met het ISW (Instituut voor Sociale Wetenschappen) in Nederland organiseren en die binnenkort van start gaan:

**MIDDLE MANAGEMENT
TIME MANAGEMENT**

Vraag telefonisch een folder aan indien U meer inlichtingen wenst.

Curacao tel.: 612409/612470

Aruba tel.: 23515

TA BENDE

TA BENDE

Ford Granada 1978
Financiamiento posibel
Tel: 21071/22611

TA BENDE

Juniorbed completamente nobo, nunca usa pa solamente f. 150,-
Pa inf. 27853

TA BENDE

Frigidaire f. 150,-
Set di sala f. 150,-
Pa inf: 41458

TA BENDE

Personal Computer y buki, Television, cassette recorder fls. 650,-
(por obtene un separa tambe). Inf. Tel. 27512
Despues di 7'or p.m.

TA BENDE

3 kavels di Tereno na Ponton 997 m2 y 860 m2 afl. 1.20 /m2, 116 m2 a fl. 1.15 /m2, financiamiento posibel y TA BENDE 2 apartamento, O'stad cu baño camber kitchenette etc. entrada priva, prijs fls. 35000,- pa tur dos interesadonan por yama tel. 32255

SE VENDEN

BOLIVARES

Inf.

Hotel Airoso Inn

TA BUSCA

LIVE -IN MAID
NEEDED

Must be ablo to speak English. Call 32154
after 6.00 p.m.

TIN MESTER

Di un DAMA pa cushina y haci trabao di cas
Na Malmok
Tel. 27060-27751

TA HUUR

Un cas cu tres camber, situa na Bloemond 14-A
pa mas informacion yama
Telf. 21396 ora di trabao.

MARTIJN TRADING Co.
STALENBALKEN

Tel.: 21492


EAGLE

OFERTA ESPECIAL

Un full Installacion di Antena pa un T.V., consistiendo di 1 Mast di 20 pia, 1 Antenna Hi band cu balun, coaxial cable cu stand outs, pipe clamps etc. Pa solamente F.235,-

CASH

Yama pa esun di bo desde awe promer cu 11'or na:
FRAMAX INSTALLATIONS
Bon recepcion Garantisa
Franco Acosta Tel. 28602



Fis. 775,-

HOMAC N.V.
L.G. Smith BLVD



Diasabra merdia den Kwihi Inn e equipo di billard Tecnicos Santa Cruz a bautiza nan uniform nobo. Den presencia di hungadornan Sr. Shor: e Geerman ta bautiza e uniform di nan patrosinador nobo.

Investigacion di asesinato masal na Peru

LIMA:—Presidente Alan Garcia di Peru a duna encargo pa laga investiga acusacionnan di un miembro di parlamento cu ehercito ta responsabel pa asesinato masal den e pueblo Accomarca. Segun e miembro di parlamento Cesar Rojas tropa di gobierno dia 14 di augustus e aña aki a mata 69 habitante di e pueblo.

E patruya di 25 soldat tabata buscando guerrilleronan di Sendero Luminoso y a trece e habitantenan di e pueblo han-

to den un grupo, traha algun grupito di hende muher, muchanan y hombernan y tabata tin cada grupo den un casita aparta.

Eynan muhernan joven den presencia di nan mayornan y demas familia tabata wordo viola, segun Rojas.

Den un otro casita, e hombernan tabata wordo interroga y nan tabata ser maltrata y tortura, y acusa di ta terroristanan. Segun Rojas, e hombernan cu tabata desmentiti e acusacionnan y mu-

hernan cu tabata resisti violacion inmediatamente tabata ser tira mata.

Ora cu e soldatnan a resigui lesa pag. 16

Evidencia americano den proceso Aquino rechaza

MANILA: Fiscal na Filipinas Fernando Fernandez a rechaza evidencia americano den e caso di Aquino. E evidencia ta basa ariba e hecho cu a ser treci dilanti cu Forza Aereo Filipinas a trata di forza e avion cu tabata

transporta Aquino pa baha otro caminda. E evidencia ta muestra cu militar nan tabata tin algo di haber cu e caso di asesinato di e politico, pero segun Fernandez nan ta nada mas cu rumornan.

Entrada nacional di China a crece cu 22 porciento

PEKING: Entrada Nacional di China cu ta casi mescos cu e producto nacional di Paisnan di Occidente, e aña aki ta muestra un aumento di 22 porciento apesar di esfuernan di gobierno pa pone un fin na e crecimiento rapido di economia di e pais.

E porcentahe di crecimiento a ser divulga siman pasa despues cu e

funcionarianan halto di China a bini hunto pa discuti un plan di 5 aña pa e pais.

Nan a adverti na varios ocasion cu economia di e pais door di crecimiento rapido lo wordo desequilibra. Medidanan a ser tumada pa limita crecimiento di e cantidad di placa cu tin den circulacion y pa baha fianzanan na credito.



CURSO NOBO DI COMPUTER

Pa temporada September — December 1985.

CUMINSA DIA DURACION

Basic Programming 18 September Diaranzon 14 Siman

Den e curso aki lo bo sinja con pa traha programmanan cu no ta complica, haciendo uso di e idioma di computer basic riba un computador 64.

Tambe lo tin oportunidad pa practica riba un IBM at computer

Ultimo dia pa inscribi ta: 16 September 1985.

Pa obtene formulario pasa na nos oficina durante ora di trabao.

Lugar: Edificio di Visser Trading
Italie Straat 24

Pa mas informacion: 24022 - 32351 Durante Ora di Oficina.
(9:00 - 12:00 p.m. y 13:00 - 16:00 di dialuna te diabierna).

1985

TENE

ARUBA

LIMPI

Y

GANA PLACA CASH!

10 PREMIOS DI FLS. 2500 CASH

Cambia bo 8 PACK cu 8 BOTTER bashi na PLAYA LIQUOR ENGELANDSTRAAT 5 pa LOT GRATIS pa bo participa den CAMPANJA TENE ARUBA LIMPI di BUDWEISER.

Cada 8 PACK pa 1 LOT

Cada (5) 8 PACK pa 5 LOT MAS UN GRATIS (6 LOT)

SORTEO LO TUMA LUGAR NA FIN DI ANJA

THIS BUD'S FOR YOU.

INTERNACIONAL

● **KOROU** - Na Guiana Frances, oficialnan di e centro di Espacio a rebenta e rocket Ariane, di European Space Agency, den menos di 20 minuut despues cu el a ser lanza Diahuebs den espacio. Nan a destrui e rocket pasobra el a cuminsa cay, amenazando habitanten di e area. E orden pa destrui e rocket a ser duna inmediatamente despues cu e rocket, cu tabata tin abordo dos satelit di comunicacion, a sali for di su trayectoria prescribi. E Presidente di Francia, Francois Mitterrand, kende tabata di regreso for di Polinesia Frances, a mira e fracasado lanzamiento.

● **PARIS** - Un mucha di 17 aña cu a ricibi un curazon trasplanta di un victima di AIDS tabata den bon condicion, docternan a bisa. Nan a afirma tambe cu e posibilidad pa e contrae e terrible enfermedad tabata minimo. Dr. Pierre Huguenard, di e hospital Henry-Mondor, a bisa cu docternan a ehecuta e operacion ya cu tabata tin masha poco chance pa e mucha sobrevivir sin e curazon ya cu e tabata sufrir di enfermedad cardiaco avanza.

● **MOSCU** - Autoridadnan sovietico a permiti 29 Judío emigra na Augustus, considerablemente hopi menos cu e luna anterior, ora cu nan a permiti 174 pa bandona e pais y busca libertad. Ocho di e emigrantenan a bay Israel y e resto Italia, na unda nan lo ser yuda cu plannan pa bay otro paisnan.

● **NIGERIA** - E gobierno militar nobo di Nigeria a bisa Diahuebs cu e anterior Presidente, General Muhammadu Buhari y su asistente, General Mayor Tunde Idiagbon, kendenan a ser saca di gobierno dia 27 di Augustus, ta den custodia na Lagos. Tabata e prome comentario di gobierno ariba nan paradero.

● **ALEMANIA OCCIDENTAL** - Na Dachau, oficialnan a bisa cu nan lo print un buki nobo pa turista, pa drecha e imagen di e pueblo miho conoci como e sitio di un campo di concentracion Nazi. E buki, cu lo ser duna na e bishitantenan, lo tin fotonan y articulonan ariba e castillo di Wittelsbacher, entre otro.

* **BOSTON** - Ministerio di Defensa di Merca ta donando algun laser di "Star Wars" na varios hospital di Massachusetts, pa purba nan potencial den e tratamiento di cancer y otro enfermedadnan, segun a ser anuncia Diabierna pa oficialnan di e hospitalnan.

E artefactonan ta lasernan di electron-libre, cu ta entrega pulsonan extremadamente cortico di luz di alta energia cu por ser varia den largura di onda. Docternan ta kere cu e lasernan nobo por permiti nan seya vasonan di sanger y nervio minusculo, y asina destrui celulanan di cancer sin dañu e otro celulan cu tin alrededor, y tambe kima e partinan di e celulan sin dañu e resto.

● **NASHVILLE** - Un firma priva a haci un oferta sin precedente pa compra e prisonnan di Tennessee pa \$250 millon y lo cobra un suma pa opera nan cu ta hopi modico. Corrections Corporation of America a bisa cu e pago cu e Estado mester haci no lo pasa e \$175 millon y lo ser ajusta anualmente pa inflacion. CCA lo tuma control di henter e sistema di prison, renova unidadnan bieu y traha otronan nobo. Nan lo supervisa mas di 7,600 preso.

Otro incidente cu militar americano na Alemania Oriental

WASHINGTON: Algun dia pasa a tuma lugar un incidente cu un militar americano na Alemania Oriental y militarnan sovietico den e pais, segun ministro di defensa Caspar Weinberger a laga sa ayera durante un programa di television di CBS.

Segun Weinberger, un patruya sovietica a obliga e americano cu ta forma parti di mision militar di Potsdam, pa para. El a baha di su vehiculo militar y a ser obliga pa militarnan sovietico arma pa drenta e vehiculo atrobe y a tene deteni pa 9 ora.

Weinberger no ta teme cu esaki por tin consecuencianan negativo pa e encuentro cumbre entre Presidente Reagan y lider sovietico Gorbatsjov dianan 19 y 20 di november na Ginebra.

El a bisa cu esaki ta di tres of di cuatro incidente di ultimo lunanan na Alemania Oriental entre militarnan americano y sovieticonan. Dia 24 di maart e aña aki un oficial di marina americano Arthur Nicholson a ser tira mata door di un soldat sovietico. E ministro americano a declara cu e incidente mas recien ta demostra cu e sovieticonan a viola nan promesa cu no usa violencia contra miembronan di mision militar americano na Alemania Oriental.

Decenas di morto den teatro di cine na Filipinas

MANILA: Sigur 25 hende a perde nan bida ora cu ayera desconocidonan a lanza un grana di man den un teatro di cine completamente yen ariba un di e islanan sur di Filipinas. Segun autoridadnan a laga sa mas di 100 persona a keda herida.

E atentado aki ta esun mas sangriento desde e guera y a tuma lugar ariba e isla Mindanao, 800 kilometer sur di Manila. Ariba e isla aki guerilleronan comunista ta masha activo. Nan kier pone un fin na gobernacion di 20 aña di presidente Ferdinand Marcos pero islamitnan cu kier separa e isla for di Filipinas tambe ta opera ariba e isla aki.

Ariba e isla tin situacion di emergencia, pero gobernacion militar despues di 8 aña a ser aboli na 1981. Na April di e mes aña, 22 persona a perde nan bida den un cate-dral den e puerto Davao ora cu terroristanan a lanza tres granada durante un sacrificio di misa di Pasco Grandi.

Ex secretaria di ministro aleman tabata traha pa rusionan

BONN: Ex secretaria di ministro aleman di economia, Sonja Luneburg, tabata traha pa agentenan secreto di KGB. El a haya ordo di KGB pa desaparece asina tabata conoci cu su contacto principal na Londres, tabata traha pa Occidente, segun e corant Der Spiegel a publica. Siman pasa Gran Bretaña a manda 25 ruso nan cas back, despus cu e diplomatico Oleg Gordievski a dicidi di habri boca. Moscu despues di e acto aki a dicidi tambe di manda 25 britanico Inglatera back. Segun e corant di Alemania Occidental cu ta cita expertonan di contraspionaje di Alemania Occidental, Luneburg aparentemente tabata traha pa KGB y no pa Alemania Oriental. E secretaria a desaparece. Secretaria di presidente di e pais, Margaret Hoke cu a ser aresta ariba e anochi di 24 pa 25 di augustus na Bonn, segun Der Spiegel no tabata traha mas pa Alemania Oriental ni pa KGB. Esaki a ser declara na polis Suizo door di e dos oficialnan cu tabata tin contacto cu e secretaria, Vladimir Kaminski y Rosemarie Muller. Nan tabata pasa como apreha Hubner y a ser aresta fin di Augustus na Luzern, Suiza.

Atentadonan di bom ariba blanconan hudiew

KOPENHAGEN: Na Kopenhagen a tuma lugar ayera anochi dos atentado di bom, heridando un total di 12 persona. E atentadonan tabata ariba un tienda di comestibel y un agencia di viaje hudiew.

E dos edificacionan a haya dañonan considerable. Esnan cu a ser herida tabata hendenan cu ta biba den vecindario y despues di tratamento medico tur por a bay cas sinembargo. Segun polis no tin ningun indicacion kendenan por a cometé e atentadonan aki.

Dia 22 di juli un organizacion Arabe a responsabiliza nan mes pa un atentado ariba e sinagoga den capital danes y atentado ariba un compania di avion, Northwest Airlines. Den e casonan aki un total di 27 hende a keda herida y un di nan a fallece despues di quemadurnan ricibi.

Londres lo deporta mas ruso

LONDRES: Gobierno Britanico a duna di conoce ayera cu awe nan lo anuncia nan meidanan contra deportacion di 25 diplomatico britanico for di Union Sovietica, y tambe deportacin di periodistanan y comerciantenan britanico cu tabata den e pais sovietica.

Ayera anochi vocero di prome ministro Margaret Thatcher a laga sa cu e medida na lo ser tuma awe pero BBC a informa cu despues di e deliberacionnan cu a tuma lugar den Downingstreet, a dicidi cu lo deporta mas Rusiano for di Inglatera como represaila. Diasabra union sovietica a declara cu lo deporta 25 britanico. Esaki a bini dos dia despues cu Gran Bretaña a saca 25 ruso acusa di spionaje for di e pais.

E deportacion aki a bini despues di a ricibi informacion di e spion doble, Oleg Gordievski na Londres. El a divulga kendenan ta spionnan ruso na Inglatera. Funcionarian britanico a keda masha asombra cu e represaila sovietico y a reuni ayera pa tuma mas medida di nan banda contra e deportacionnan di britaniconan for di Rusia.

E reunion ayera tabata entre prome ministro Margaret Thatcher, y e ministronan di asuntonan di exterior y interior, Sir Geoffrey Howe y Douglas Hurd.



CURSO DI
BIJBEL
GRATIS

PA MAS
INFORMACION
YAMA:
25963 - 25148

MUDAMENTO PA
EXTERIOR TA
OFISHI DI

ECO AGENCY ARUBA N.V
TOMATENSTRAAT 2
Tel: 26034 - 21726

Mucha a cumpli cu deseo prome cu el a muri abordo di un avion

BUENA VISTA - Un mucha di 10 aña, kende tabata tin e deseo ferviente pa bishita Disney World, a perde su batalla contra cancer di hueso durante un vuelo pa regreso su cas, na Canada, segun su tata a bisa.

Terry Linkert y su familia a bishita Magic Kingdom y otro atraccionnan turistico siman pasa danki na e cortesia di Children's Wish Foundation, un organizacion cu base na Toronto, Canada, y cu ta haci e

soñonan di muchanan cu ta bay muri bira realidad.

Terry a murdi den su soño apenas 45 minuut prome cu e avion a ateriza na e aeropuerto di Toronto Diadomingo.

"Mi ta asina contento cu el a haya e oportunidad pa bishita Disney World", su tata a bisa.

Terry kier a bishita Disney World, pero e familia no por a aford e viahe, su tabata a informa. Cu donacion di hendenan di Toronto

y di e fundacion, Terry, su mayornan y un ruman homber y otro ruman muher a yega Florida dia 3 di September.

Terry tabata den un stul di rueda durante su bishita na Disney World, Sea World y otro sitionan turistico.

Linkert, e tata di e mucha, a bisa cu Terry realmente a goza di e viahe. "E tabata miho di loque el a spera... Tur hende tabata asina gentil. Nan a haci un soño bira realidad".

Icahn Kan por tuma TWA over

NEW YORK: E inverisio-
nistanan bao direccion di
e comerciante Icahn Kan

por cumpra Trans World
Airways completamente
segun a ser informa ayera

for di New York.

E compania aereo americano tabata pa 50 porcion caba den man di e grupo Icahn y awor nan por cumpra e resto di accionnan pa 24 dollar pa accion.

E oferta aki a ser surpasa cu dos dollar sin embargo door di Texas Air, cu ta pertenece na Frank Lorenzo. E sindicatonan anteriormente no kier a papia cu Icahn pero a dicidi di haci esaki ora cu Lorenzo tambe a haci oferta pa Texas Air. E sindicatonan no tabata kier pa Lorenzo haya nada di bisa den nan compania pasobra el a hiba Continental Airlines na rand di bancarota pa por a anula contratonan colectivo di trabao.

TWA ta paga Texas Air 43 million dollar en efectivo pa haya opcion ariba e accionnan di TWA cu tabata den man di Texas Air. Icahn lo cumpra di Texas Air un total di 973 mil accion.

Icahn a priminti e sindicatonan di mantene TWA salud. Aña pasa e compania tabata tin 159 avion y 27 mil empleado. E ta bula mas tanto ariba rutanen noordatlantico y mas cu cualquier otro compania.

MARTIJN TRADING Co.
BETONSTAAL

Tel.: 21492 EAGLE

Walesa ta califica solidaridad di ta movimiento di liberacion

GDANSK:—Lech Walesa fundador di e sindicato Solidaridad a declara cu e sindicato aki ta un movimiento pa liberacionnan.

El a bisa cu gobierno polaco a perde su oportunidad pa bira independiente di Rusia na 1981 tempo cu nan a impone e situacion di emergencia y oprimi e movimiento di liberacion Solidaridad.

Tabata prome biaha cu Lech Walesa a califica e central di sindicato como

un movimiento di liberacion y admitiendo cu e sindicato ta mas cu un sindicato independiente.

Den un rapport di mas di 500 blachi, bao di e titula Polonia despues di augustus 1980 e ta skirbi cu Solidaridad ta un movimiento extraordinario di liberacion. E convenio cu a ser firma dia 31 di augustus y cu a legalisa e sindicato a duna oportunidad na e pais pa ta los di Union Sovietica.

Americano secuestra den libertad na Beirut

BEIRUT: Un homber cu a keda desconoci pero a bisa cu e ta papia na nomber di Jihad a informa ayera cu su organizacion a laga e americano secuestra Benjami Weir den libertad. E misionario di 61 aña tabata un di e siete americanonan cu den ultimo aña y mei a ser secuestra na West Beirut. Den e parti aki di capital di Libanon ta biba especialmente islamitanan. Weir cu ta biba 35 aña caba na Libanon ta duna lesdi teologia y dia 8 di mei aña pasa tres homber a secuestre. Jihad Islamico (guera Santo) a responsabiliza nan mes pa e secuestro. Nan a hasta manda fotonan di Weir pa coresponsalnan di exterior. Hefe di e americano y vocero di embahada a bisa cu nan no ta na altura di su libertad. Desde mei aña pasa a ser secuestra na Libano, 8 americano, 4 frances y un britanico.

INTERNACIONAL

● **FORT WORTH** - Un negociador cu stampia pa coleccion a cumpra casi 200 pieza di e coreo cu a sobrebibi e caida di e avion di Delta Airlines pasobra nan ta awor cosnan cu ta interesa coleccionistanan. "Ariba e dia ey nan tabata carta y envelop, awe nan ta un pida di e historia postal", el a bisa. El a paga di \$2.50 te \$10.-- pa envelopnan di varios tamaño. Mayoria di e 20,000 pidanan di coreo a ser recupera di e restonan di vuelo 191, den cual 135 hende a perde nan bida. Empleadonan di coreo a separa y seca cada carta y a stamp ariba cada envelop: "daña den un accidente di aire, trein, truck of barco. Fuera di e control di U.S. Postal Service".

● **KANSAS CITY** - Un bombero a ser haya culpable di a horta \$850 for di e curpa sin bida di un homber cu a muri a causa di un accidente di avion y awor ta enfrenta un maximo di 6 aña den prison. Jesse Hoffman a bisa cu el a gaña polis acerca di e placa pasobra e kier a "salba su cara" y su carera di 29 aña cu e oficina di bomberonan. Hoffman a haya e placa den e saco di atras di e carson di Robert Diaz despues cu su curpa a ser recupera na Fairfax Airport. Tres hende a muri den e accidente. Hoffman posteriormente a entrega e placa na autoridadhan.

● **TUCSON** - Hendenan gordo ta acudiendo masalmente na University Medical Center di Tucson, Arizona, cu e speranza di ser inclui den e program di dieta cu ta inclui hinca un blas den nan stoma y suple. E blas ta pa haci e stoma di e obesonan sinti su mes yen, reduciendo asina nan apetit. Docternan por acomoda solamente 20 hende cu ta morbosamente obeso (cu tin por lo menos 100 liber di peso en exceso di esun normal) pa e estudio financia pa gobierno federal. Pero ora cu e autoridadhan a anuncia e programa, 300 hende a presenta nan mes pa haya blas den nan stoma, pa gaña esaki cu e ta "yen".

● **ST. PAUL** - Un abogado cu a limpia su oficina a desaparece tambe 2 luna pasa cu mas di \$1 million di e placa di su clientenan. John J. Flanagan a ser suspendi pa practica ley pa Corte Supremo y un comision di e asociacion di abogadoan ta studiando su expulsion di e profesion. E tragedia di e asunto ta cu e placa cu el a bay cune ta di di hende pover. E hendenan ey nunca mas lo tin e oportunidad di logra algun cos decente den nan bida. E acto di e abogado ta un acto realmente vandalico y sin ningun pordon.

Oposicion sueco a admiti derota

STOCKHOLM: Oposicion centro derechista na Suecia ayera a admiti nan derota den e eleccionnan. Despues di e pronosticacionnan di computer ora cu a cera e urnanan, a resulta cu e social democrata, Prome Ministro Olof Palme lo keda na poder pero cu un mayoria reduci. Lider di e conservativonan a bisa di ta masha desapunta cu no a logra duna Palme un derota y forma otro gobierno. Ulf Adelsohn a bisa cu e derota a bini pa falta di union den coalicion di e tres partidonan di oposicion.

Gabriela's

Sand Co. N.Y.
P.O. Box 690/Tel. 28544
Mahuna II-A, ARUBA

Basha, Basha, Basha Bai !!!!
Bo ta hanja tur sorto di Santo :
Pa Basha, pa pega Blokki, pa Pleister,
Tera pa jena Fundeshi
Tera pa mata
Granito sefta
Piedra mula pa concrete

Pa compra di Santo y Piedra, Betonmolen Gratis
pa Basha !!!!

NOS NO TA IMITA !!!!

Un storia saca for di e buki "E REGRESO Y OTRO CUENTANAN", scribi na Jossy Mansur.

E REGRESO

UN SUNCHI SO

-Clemencia? Y Pakico? Acoso b'a comete algun pica cu ta pisa ariba bo consenchi? E pregunta di e mama tabata yen di un interes repentino.

Acaso e tabata bay confesa por fin loke e, su mama, tabata sospecha caba pa tanto aña?

-No, mama, no t'esey! Un persona ta cansa di biba un bida bashi bo'n ta compronde?

Ya cu binticinco aña un persona por sintie asina abati, asina golpea, asina escarmenta, cu no ta provoke nada otro cu cay na rudia dilanti di e imagennan promontorio cu ta goberna bida, y suplica nan pa aminora e calvario un poco, pa kita e cruz for di ariba su lomba y lague bibi cu un poco mas di paz.

E mama a sintie defrauda. El a spera otro tipo di exclamacion for di su yiu, un mea culpa cu e tabata ansioso di scucha dor di e lip di su yiu, pero no e expresionnan di desesperanza cu a sali for di nan.

No tabata e confision cu el a spera for di boca di su yiu muher.

E mama a keda desilusiona, pero e no a laga e tema para un banda.

-Pero ta bo mes culpa, Graciela, bo sa esey masha bon.

Ta bo mes no a desea e paz cu awor bo ta anhelando.

Bo ta corda? Graciela a bira su cabez cu ligereza, y un mirada di doloroso asombro a drenta den su wowonan preto, glacia awor cu un mirada di pena.

Poco a poco el a bisa:

-Di kico bo ta papiando,, mama? Su desoncierto tabata notable.

-Bo sa mes bon cu mi. No pretende.

-Pero...nos a hura, nos tur dos, di nunca papia atrobe ariba e asunto ey.

B'a primintimi di tira tera ariba e episodio ey y lague dera pa semper.

Ta un promesa cu a sali for di bo boca, mescos cu di mi, y awor b'a kibre.

-Pa bo bon! -Pa mi bon?

-Si, ademas nunca m'a primintibo cu mi lo menciona e cos ey mas.

e ta continua mañan



Durante fin di siman a cuminza e campaña di

Economia mundial

Fianza pa Tunesia

Banco di Inversion Europeo a duna Tunesia un fianza di 7 millon ECU, (mas o menos 8,7millon florin antillano) pa reforza inversionnan den sector di agricultura. E fianza tin un duracion di 5 aña cu interes di 5.75 porciento. Comunidad Europeo ta duna subsidio di interes na 3 porciento.

Descubrimiento petrolero

Dilanti costa di estado Rio de Janeiro na Brazil a ser descubri un area grandi cu petroleo. Cu e descubrimiento aki e reserva petrolero di e pais pa locual ta explotacion a aumenta cu 15 porciento te na mas di 2 millard bari. Segun e compania estatal di petroleo Petrobras, e area nobo aki por contribui na e hecho cu for di 1989 Brazil lo no mester importa petroleo mas. Na e momento aki e pais ta gasta na importacion di petroleo 6.3 millard dollar.

China kier pa Japon importa mas

China kier pa Japon importa mas articulo y petroleo pa asina nan por reduci e deficit cu tin ariba e balanza comercial entre e dos paisnan. Den prome mita di e aña aki e deficit a aumenta te na 2.3 millard dollar. Aña pasa e deficit segun e chinesnan tabata 2 millard dollar apeser cu Japon ta bisa cu ta un millard. Comercio entre e dos paisnan tin un balor di 12.7 millard dollar.

Saldonan favorable di Japon

Den luna di augustus Japon tabata tin un saldo favorable ariba su balance comercial di 3.53 millard dollar contra un saldo favorable ala pasa den mes luna, di 1.1 millard dollar. Balor di exportacion tabata 13.86 cu ta 4.1 porciento mas cu aña pasa, y balor di importacion tabata 10.33 millard dollar cu ta 15.3 porciento mas abao. Na Juni Japon tabata tin un saldo favorable record di 5 millard dollar

GM cu venta record

General Motors e productor mas grandi di auto na mundo ta spera cu e aña aki nan lo tin un venta record di auto y truck. Ta ser pensa den direccion di 15.4 millon vehiculo. Na 1978 a yega na e record di 15.3 millon vehiculo.

Ganashi fabuloso

E concern quimico frances Rhone Poulenc, un empresa estatal, den prome parti di e aña aki tabata tin un ganashi netto fabuloso di 1.04 millard frank(cu ta mas o menos 190 millon florin antillano). Esaki ta 32 porciento mas cu den mita aña 1984. Venta a aumenta cu 10.2 porciento te na 28.85 millard frank.

OPC ta cuminza explotacion

E compania petrolero americano Occidental Petroleum Company a dicidi di cu cuminza explora petroleo for di e area cu nan a descubri den Noordzee na 1975, e area Scapa. PA esaki a ser haci un inversion di 150 millon libra esterlina(mas di 320 millon florin Antillano). Ta ser calcula cu e reservanan di SCapa cu por ser explota ta 42 millon bari y Occidental su calculacion ta cu e area aki tin duracion di 13 aña y cu produccion lo por yega na 24 mil bari pa dia.

Mexico a kibra acuerdo

E ministro di energia Israeli Moshe Sjahal a dicidi di suspende su viaje pa Mexico, pa motibo cu e mexicanonan no ta mantene nan mes na acuerdonan comercial. Na cuminzamento di e aña aki Mexico a priminti di importa na balor di 100 millon dollar articulonnan for di Israel, pero te na e momentonan aki a importa solamente pa 2 a 3 millon dollar. Israel a dicidi e ora ey di importa menos petroleo di Mexico y ademas pasobra Israel por haya petroleo mas barata otro caminda.

limpieza Budweiser. Segun Sr. Pim Jansen, Playa Liquor & Bottling Co asina kier contribui na un Aruba sano y higienico.

Principalmente cu awor cu turismo ta e unico pilar economico pa nos isla ta necesario pa haci e barioman mas limpi posibel pa nos bishitantenan. E recogemento y destruccion di e botternan bruin bashi ta mas facil bisa cu haci. Tur esaki ta existi un bon organizacion y DOW ta duna tur su cooperacion den esaki.

E campaña ta core te fin di aña.

STAR-MOTOR COMPANY N.V.

Fergusonstraat 39

WE SERVICE MOST VEHICLES.

CALL US FOR AN APPOINTMENT ON TELEPHONES: 21505/23027

lady speed stick
ANTI-PERSPIRANT

Females who want odor
and wetness protection.

by MENNEN



SOCIAL

Exposicionnan di GN na Madrid



ORANJESTAD(AAN)—

Gustave Nouel Jr. e joven pinto r Arubano cu ta sigui su estudionan di doctorado den Bellas Artes Plastica na Universidad Complutense di Madrid, España, recientemente tabata tin varios exposicion na MADRID.

Entre otro cu tres colectivo (hunto cu otro artistanan) y un di su mes.

Entre esun colectivo nan, tabata tin un auspicio pa embahador di Holanda na España, E.J. Korthals.

Den otro exposicionnan colectivo GN como unico estranhero, a ser invita pa expone hunto cu un grupo di pintor Spño.

Nos artista a logra uni e como Arubiano, seis otro artista, entre otro di España, Estados Unidos, Republica di China, Taiwan, Brazil, y Marruecos

pa traha y expone hunto.

E siete artistanan aki cu diferente idealnan, religion, manera di pensa y diferente estilo artistico, y tur cursando doctorado na La Facultad de Bellas Artes di e universidad, a reuni pa presenta nan obranan na mundo, manera un simbolo di harmonia cu nan ta buscando. Un manera di biba hunto, (convivi universalmente) cu por y mester pos existi, segun e artistanan.



Awe ta cumpli 4 año CARLINA ORTEGA cu ta ricibi masha pabien di su mama y tata, di su rumannan, especialmente di su ruman Israel, di su welanan na Aruba y Colombia, di su primo y primanan, tanta na Aruba y Colombia, amigitonan y amigitonan di school, di su juffrouw, madrina y padrino y di DIARIO.

Israel ta condena entrega di arma na Saudi Arabia

JERUSALEM: Ayera Israel a condena entrega di arma britanico na Saudi Arabia y Jordania y a laga sa cu esaki ta un escalacion di e competencia di arma y ta mina estabilidad den Medio Oriente.

Ministerio di asuntonan di exterior a laga sa di ta masha preocupa door di e informenan cu Gran Bretaña lo entrega na Saudi Arabia avionnan di guerra tipo Tornado y lo entrega na Jordania armanan. Tambe cu Saudi Arabia lo haya avionnan tipo Hawk.

E dos paisnan formalmente ainda ta den guerra cu otro, segun e ministerio.

Nos no ta acepta cu Gran Bretaña lo entrega armanan na e paisnan aki cu intencion cu nan lo ser usa contra Israel, e ministerio israeli a laga sa den

un comunicado.

Den pasado armanan di occidente a ser usa contra israel y nan tabata hasta na disposicion di terroristanan. E stap aki di Inglaterra ta trece e competencia di arma na Medio Oriente ariba un nivel cu ta trece estabilidad den e area aki na peliger.

E corant Sunday Times a publica ayera na Inglaterra cu London lo entrega avionnan Tornado, un total di 48 avion, y 30 avion Hawk, na balor di mas di 12 millard florin hulandes na Saudi Arabia y cu e order a ser firma pa prome ministro britanico Margaret Thatcher y funcionarionan Saudi durante vacacion di e prome ministro na Austria na cuminzamento di e luna aki.

Cu e order aki e britaniconan a corta caminda di Francia cu kier a bende

avionnan Mirage 2000 na Ryad.

Na varios ocasion Israel a condena venta di armanan di occidente na paisnan Arabe. Na 1982 Israel a tene un ofensiva diplomatico extenso pa convence Estados Unidos pa no entrega avionnan di guerra F-15 y avionnan di radar avanza Awacs na paisnan Arabe.

Tres año pasa Israel a rechaza peticionnan di Inglaterra pa no entrega avionnan di guerra KFIR na Argentina durante guerra di Malvinas. Estados Unidos a haci un apelacion tambe ariba israel pa no entrega ningun avion tipo americano na Argentina durante e guerra. Saudi Arabia mientrastanto a laga sa di lo usa e avionnan Tornado pa metanan defensivo na Medio Oriente, entre otro Iran.

Canada ta stop vuelonan pa Sud Africa

Sud Africa ta menaza Suecia cu medida

OTTAWA:—Gobierno Canades a dicidi di sus Sud Africa. Ministro Clark di asuntonan di exterior ademas a haci un apelacion ariba banconan pa no duna ningun fianza na Sud Africa y tambe companianan petrolero a ser pidi pa no entrega petroleo na Sud Africa.

E efecto di e embargo aereo segun observadornan politico na Ottawa ta limita pasobra entre

ta limita pasobra entre e dos paisnan no tin trafico aereo regular y ta algun vuelo irregular ta ser haci entre Sud Africa y

Canada.

Oposicion liberal na Canada a persisti cu mester bini sancionnan pero e conservadornan na Ottawa no kier a tende di esaki. Segun ministro Clark gobierno mester ta cuidadoso cu tumamento di medidanan economico y cu mester mantene lazonan diplomatico mas tanto posibel.

Pa funcionarionan di presonan politico na Sud Africa Canada a pone un millon dollar disponibel.

For di Pretoria mientras tanto a drenta e informacion cu Sud Africa a menaza Suecia cu contra medidanan si Suecia bini cu embargo comercial contra Sud Africa.

E ministro di asuntonan di exterior di Sud Africa Roelof Botha a bisa cu su gobierno tin derecho di haci esaki segun e convenio general relaciona cu comercio y tarifican.

Suecia recientemente a laga sa di lo prohibi im-

portacion di fruta, verdura y Krugerrand for di Sud Africa. E plannan lo ser treci den parlamento otro luna of na November pa aprobacion.

Importacion di produccion agricola for di Sud Africa año pasa tabata na balor di 14 millon dollar local ta un tercera parti di balor di importacion total na suecia for di Sud Africa.

Senna a gana Grand Prix di Belgica

SPA: E coreador brasileiro Ayrton Senna ayera a gana e grand prix di Belgica ariba circuito di Spa cu su lotus, lagando Mansell di Gran Bretaña na segndo lugar, Alain Prost na tercer lugar y Keke Rosberg na di cuatroy lugar.

Clasificacion general tin Prost na prome lugar ainda cu 69 punto, sigui pa Alboreto di Italia cu 53 mientras cu Senna a yega 32 y ta na di 3 lugar.

MAS PA BO PLACA NA SLEEP COMFORT MATTRESS COMPANY

SABANA BLANCO 34-A Tel. 24405-22709

Pa un matras NOBO di MIHOR CALIDAD y pa un matras BON FURA


- cu tela especial, fuerte y bunita diseño;
- cu stik pa wanta e tela na su lugar;
- cu foam diki pa duna bo mas suavidad;
- cu servicio di busca y hiba den menos di 8 ora.

solamente

f.60,-
1 persona

f.79,-
2 persona

'Jama nos y den un rato nos tey'



Tráfico

ORANJESTAD(AAN)—Den tráfico no tabata tin mucho cos ayera. Un auto a bolter na altura di Rio Grande Store, pero no tabata tin mester di ambulance ya cu ningun hende a keda herida.

Un manehador di motocicleta si a haye na hospital ya cu ariba Boulevard e tabata envolvi den un desgracia y mester a ser transporta cu ambulance pa hospital pa tratamiento medico.

Investigacion

Cont. di pag. 11

aliza cu tabata tin testigonan di e asesinato, nan a dicidi di mata tur hende.

Ningun di e 69 arrestantenan a sobreviví, pasobra tur a ser mata y mientras cu e cadavernan tabata den e casnan ainda, esakinan a ser kima.

Fabrica di sailboard

ORANJESTAD(AAN)—Den comunidad Arubano tin personanan cu no ta sinta keto y ta pensa di tur forma cu Aruba mester di mas empresa local. Den Bolivia straat por a nota un di e empresanan aki y ta un empresa cu ta traha Sailboard. Segun DIARIO tin entendi e negoshi Windsurfing Aruba tin como partnernan Morris Friedman, Bryan Harms y Dr. Westra, tur di nan personanan amante di deporte di windsurfing.

Nan ta traha diferente sorto di sailboard y tin den e negoshi un joven experto Geert v.d. Berg, un Arubiano cu a biba hopi aña na Hulanda y tin amplio experiencia den e ramo aki. E ta traha sailboard cu ta pas pa e lama di nos isla.

DIARIO por a aprecia algun di e productonan aki cu ta sumamente bunita y bon acaba. Ademas di sailboard por haya na e empresa aki tur locual ta necesario pa e deporte di windsurfing.

Ariba cada board cu ser traha ta bini tambe e logo y emblema di e empresa Wind Surfing Aruba..

MARTIJN TRADING Co.
VIERKANTIJZER
Tel. 21492 EAGLE

Tirenan kima a causa hopi huma



ORANJESTAD(AAN)—Diasabra mainta Alarm Central a haya informa-


cion cu na altrua di taller di Bosch na Balashi tin un candela basta gran-

di. Ora cu persona di cuerpo di bombero a yega, a bin resulta cu tabata trata di algun tire di tractor cu tabata na candela.

Segun investigacion cu a ser haci, tabata tin algun hende ta haci tereno patras di e taller limpi..

Nan a sende poco sushi na candela y biento lo a plama e sushi for di otro di manera cu algun a bay pega yerba na candela y despues e tirenan a pega na candela tambe.

E huma tabata asina tanto y preto cu trafico tabata ser stroba door di esaki. Cu masha trabao a bin logra paga e candela aki despues.



Geert v.d. Berg na trabao den taller di e empresa.

Pa sosiego di pianan

Dr.Scholl's



Especialmente pa
elimina holor
desagradabel y
sodo di pia

Agente: Oduber Agencies N.V.
Pa orders:
Aruba 25333
Bonaire 8821
Curacao 54566
St. Maarten 2505

Matrassen en Schuimrubberfabr.

Tanki Flip 14 - A

Nos ta traha TUR TIPO di CORCHON y BOX-SPRING na cualkier midi cu Bo ta desea.

Asta nos ta FURA CORCHON BIEUW den UN (1) solo DIA



Tur loke Bo mester haci ta yama nos na
Tel. 22761 / 24710 / 32626

Y nos ta busce mainta y entrege atardi mescos cu nobo.

Asta cu 1 AÑA di garantia Prijs pa fura di
2 persona Fl.70.--
1 persona Fl.60.--
Reparacion matras di baby Fl. 50.--

"SEMPER NA BO ORDO"

Boulevard Theatre I

TODAY
at 8.15 p.m.



Comedy 14 yrs

Boulevard Theatre II

TODAY
at 8.45 p.m.



GRADUACION
DE UN
DELINCUENTE
action 18 yrs

Drive - In

TODAY
at 8.30 P.M.



action 18 yrs.